




4









1

VERITABLE

NARRE' DE LA
CONFERENCE ENTRE
LES SIEURS DV MOVLIN ET
de Raconis ptofesseur en Theologie.

Et de la forme de la rupture.



A LA ROCHELLE
M. DC. XVIII.

Case

F

39

326

16/8 da

8344785 V

A. D. 11 3 11 10 2

2 11 2 11 10 10

11 11 11 11 11 11

11 11 11 11 11 11

11 11 11 11 11 11

THE NEW YORK
LIBRARY

11 11 11 11 11 11



VERITABLE NARRÉ
de la Conference entre les
Sieurs du Moulin & de Raconis,
professeur en Theologie.

Et de la forme de la rupture.

MONSIEUR de Raconis apres auoir
tourné le dos en la Conference, &
quitté le combat à la veüe d'une multitude
de tesmoins d'une & d'autre Religion, neât-
moins a osé publier vn Narré à son aduanta-
ge, entierement contre la verité. Dont ceux
de sa religion, oculaires tesmoins de sa fuite,
luy en ont fait mille reproches, se plai-
gnans de luy par tout comme d'un homme
qui a fait tort à la cause, lesquels il eust sage-
ment fait d'appaiser deuant que de rien pu-
blier.

Or combien que i'eusse ample sujet de
faire sonner hault sa fuite, si est-ce que mon
naturel qui n'aime point le bruit, & d'autres
occupations plus pressantes m'auoient rete-

4
nu. Joint qu'ayant toujours traité avec
luy avec toute l'honnesteté que j'ay peu, ie
voulois encores l'obliger en me taisant. Mais
puis que contre verité il fait retentir ses vi-
ctoires à cri public, j'ay pensé deuoir à la
cause de Dieu ce mot de defense, estant mar-
ry d'estre distraict de meilleures occupations
par vn si maigre sujet.

Je représenteray donc au vray & sans rien
desguiser, tout ce qui s'y est passé, dont ie
prens pour tesmoins ceux de l'Eglise Ro-
maine qui y ont assiste.

Le Mercredy troisieme de Ianuier, cinq
personnes à moy incogneues me vindrent
trouuer: entre lesquels y auoit vn jeune cor-
donnier de religion Romaine, qui deman-
doit esclarcissement de quelques difficul-
tez dont il ne se pouuoit demesler. Il disoit
auoit veu Monsieur de Raconis, lequel ne
luy ayant satisfait, il desiroit nous voir en
conference, à quoy il disoit que ledit sieur
estoit prest, & ne desiroit autre chose.

Je respons que ie n'estois pas homme qui
aimasse le bruit, ny qui eusse le loisir de cou-
rir apres les personnes, mais que ma porte
estoit ouuerte à toutes gens d'honneur qui
me venoient trouuer pour conferer paisible-
ment de la religiõ. Que si le sieur de Raconis
auoit enuie de parler à moy, il seroit bien
venu.

Le lendemain ces mesmes personnes re-

5
vindrent à moy sur le mesme sujet. Et peu
apres vint vn Gentilhomme de la Religion
nommé Douarsi, lequel m'apporta de la
part du sieur de Raconis vn billet où e-
stoient escrites quatre propositions, que le-
dit Sieur s'offroit de maintenir.

I. Que la Religion Pretendue n'a point
de reigle asseurée.

II. Que la Cene des Pretendus Refor-
mez ne se peut monstrer en l'Escriture.

III. Que le Dieu de Calvin est le Diable.

IIII. Que la Religion de Calvin qui se dit
Reformée, n'est point Religion, mais A-
theisme.

Je ne voulus m'arrester à ce papier inju-
rieux, mais respondis simplement, que si le
sieur de Raconis venoit, j'orrais volontiers
ce qu'il auoit à dire: & là fut prise heure au
lendemain matin à huit heures, qui estoit
le Vendredy 5. de Ianuier.

Le sieur de Raconis ne manqua pas à l'as-
signation; car à huit heures au matin voicy
arriuer Monsieur le President Bailly, & Mon-
sieur de Raconis suiuis de cinq ou six person-
nes. Je descends en bas, & les accueille selon
mon deuoir, avec tout l'honneur que ie
peus. Ils montent en mon estude. Là estoit
desia ce Cordónier dont i'ay parlé, qui bru-
loit de desir d'assister à la conference. Mais le
sieur de Raconis l'ayant apperceu, insista fort
qu'il sortist. Mais luy tenât bon, & ne voulant

fortir, ledit sieur de Raconis declara qu'il ne confereroit point iusqu'à ce que cet homme fust sorty, lequel en fin acquiesça, & sortit.

Chacun s'estant assis, le sieur de Raconis veut entamer le propos: mais ie luy dis. Monsieur, puis que nous sont assemblez pour traiter des choses qui concernent le salut, il est conuenable de commencer par l'inuocation du nom de Dieu, s'il vous plaist faire la priere, ie vous escouteray: mais ledit Sieur n'ayant voulu parler, & ie feis la priere en ces mots:

Seigneur nostre Dieu, puis que nous sommes icy assemblez pour traiter de la doctrine de salut, qu'il te plaise esclairer nos entendemens de la cognoissance de ta verité. Fai nous la grace que despoüillans toute haine & animosité, & meus de compassion les vns enuers les autres, nous visions tous à vn mesme but, qui est de voir ton saint nom glorifié, & ta verité manifestée, & tant de dissentions esteintes. Pour ce faire subuiens à nostre infirmité: car encore que nous soyons indignes de defendre ta cause, toutesfois tu maintiendras ta verité, & ne permettras qu'elle soit opprimée. Et afin que nos prieres ne retardent point l'auancement de ton œuure, efface-les au sang precieux de ton fils Iesus-Christ, lequel nous a enseigné ceste priere:

Nostre Pere qui est es Cieux. &c.

7
Durant ceste priere le sieur de Raconis & ceux de son costé, se retirerent à part, & se mirent à genoux, faisans leur priere tout bas, puis se releuerent: & conuinismes que nous escriuons. Toutesfois afin que l'action ne fust point languissante, fut conuenu qu'auant ou apres auoir dicté, on pourroit s'esclaircir en paroles, & amplifier ce qui seroit escrit.

Furét esleus deux Scribes, l'vn d'une part, l'autre de l'autre.

Voicy donc ce qui fut dicté.

*Fondemens & reigles proposées
pour en conuenir.*

I. A esté conuenu qu'il ne sera disputé que des points de la Religion.

II. Le sieur du Moulin a proposé qu'il ne seroit disputé de choses dont les parties sont d'accord. Mais le sieur de Raconis a reserué, sinon que de-là se tire quelque chose combatant vn article contesté.

III. A esté conuenu qu'on disputeroit par argumens en forme.

IIII. Le sieur du Moulin a proposé qu'il seroit loisible de se seruir de la confession des aduersaires. Monsieur de Raconis a respondu, que c'est vn poinct controuersé, pour le vuidier apres la decision des points qu'il a

proposé en controuerse.

V. Le sieur du Moulin a proposé ce principe pour estre receu: Que la vraye religion est fondée sur la parole de Dieu. A quoy a respondu le sieur de Raconis, si par la parole de Dieu s'entend tant l'escrite, que non escrite, qu'il la reçoit pour regle & non pour Iuge, si la seule escrite il la reçoit pour reigle partiale, & que c'est vn des articles qui doit estre agité.

VI. A esté adjousté par le sieur du Moulin, que l'Eglise est sujete à la parole de Dieu.

Respondu par le sieur de Raconis qu'elle est sujette à la parole escrite pour ne luy contredire, mais non pas pour regler tous les articles de sa creance par icelle.

VII. Le sieur du Moulin a proposé que tout vray Chrestien est obligé de cognoistre que la doctrine tenuë vniuersellement en son Eglise, est veritable.

Premiere proposition faicte par Monsieur de Raconis.

Que la religion pretenduë reformée n'a point de reigle alleurée.

Monsieur de Raconis ayant proposé cest question la commence en ceste sorte,

Nullle Religion recenant la seule parole de Dieu

de Dieu contenuë es sainctes escritures en termes clairs, & qui n'a besoin d'interpretation à vne regle assuree.

Or la religion pretenduë reformée reçoit la seule parole de Dieu contenuë en la sainte Escriture en termes clairs, & qui n'ont besoin d'interpretation.

Donc elle n'a point de reigle assuree.

Du Moulin.

Du Moulin a ainsi respõdu: que la deuxiesme proposition de cet argumēt, n'est pas simplement ny vniuersellement veritable. Car nostre Eglise ne rejette point les interpretations prises de l'escriture mesme, en conferant vn passage avec l'autre. Seulement elle rejette les interpretations que l'on fait estre d'egale authorité à l'escriture, n'y ayant que l'auteur de la loy qui puisse donner des interpretations à la loy, qui soient d'egale authorité à la loy.

Secondement ceste proposition n'est vniuersellement vraye, en ce qu'és choses nõ necessaires à salut, nous n'estimons pas qu'il soit necessaire d'estre reglé par l'escriture Saincte.

De Raconis.

Monsieur de Raconis poursuiuant demande donc qu'il soit arresté qu'aux choses necessaires à salut, la seule parole de Dieu, cõtenuë es sainctes escritures en lieux clairs, & n'ayans besoin d'interpretation. soit reigle

10

suffisante. Cela estant les termes du sieur du Moulin au traitté de la juste prouidence de Dieu, page 4.

Du Moulin.

Du Moulin respond qu'il recoit ceste maxime, Que l'Escriture sainte claire, & n'ayant besoin d'interpretation és choses necessaires à salut, est regle suffisante de nostre foy, pourueu que parce mot d'interpretation on entende, comme il a declaré, vne interpretation hors l'escriture, laquelle interpretation il rejette totalement, estant certain que les criminels ne peuent estre Iuges infallibles du sens de la loy, ny les seruiteurs interpretes infallibles de la volonté de leur maistre.

De Raconis.

Monsieur de Raconis recueille de la response du Sieur du Moulin que l'escriture sans les inrerpretations prises de l'escriture, est regle suffisante és points necessaires à salut, & demande s'il n'en est point d'accord.

Du Moulin.

Le sieur du Moulin prie le sieur de Raconis de reduire cela en argument, selon qu'il a esté conuenu.

De Raconis.

Monsieur de Raconis a dit, qu'il ne reduit point en argument, ce qui n'est qu'une proposition de son argument, & que d'elle & des autres qu'il adjoustera : il le forme en ceste sorte pour retomber à son but.

ARGUMENT.

Nulle religion receuant (es articles & points necessaires à salut) la seule parole de Dieu en termes clairs qui n'ont besoin d'interpretation prise hors l'escriture, à une reigle asseuree.

La religion pretendue reformee est telle.
Donc elle n'a point de regle asseuree.

Du Moulin.

Du Moulin demande esclaircissement de la 2. proposition, par laquelle le sieur Raconis dit, que nostre Eglise en choses necessaires a salut, a pour regle la seule parole de Dieu claire, & n'ayant besoin d'interpretation prise hors l'escriture, Il demande donc si par-là le Sieur Raconis entend nous obliger à n'employer point les principes naturels de la raison, comme, que le tout est plus grand qu'une partie; Que le bien vaut mieux que le mal: Item plusieurs propositions qui ne se trouvent point en l'escriture sainte en termes exprés: cōme, que Dieu gouverne tout par sa prudence; Que Dieu est plus fort que le Diable. & plusieurs telles propositions qu'on deduit par cōsequence necessaire de la parole de Dieu.

Ledit du Moulin demande donc, si pour esclaircissement d'yn differēt il peut employer ces regles. Item, si comme le sieur de Raconis employe les paroles qu'il dit estre de du Moulin, pour s'en servir, il ne pourra pas aussi employer le texte de la Messe, & les Cōciles de l'Eglise Romaine.

De Raconis.

Monfieur de Raconis dit que les principes purement naturels, hors l'efcriture, pour clairs qu'ils puiffent eftre, ne font receuables pour la foy qui eft obscure. Quant aux conſequences niées de l'efcriture, elles ne font non plus receuables, pour quelque couleur de neceffité qu'on leur donne, dependant de la forme des argumés, deſquels elles font deduites; formes ne font point de la Foy, & ne dependent que de l'authorité des Philoſophes, qu'on peut nier ſans errer en la Foy.

Pour la derniere demande, ſi comme il employe les eſcrits du ſieur du Moulin; auſſi le dit du Moulin peut employer la Meſſe & les Conciles. Il dit que pour aller à l'égal, il ne peut demander que le pouuoir d'employer ſes eſcrits: Pour le reſte, c'eſt vn des points qui a eſté reſerué à vuidier par apres, neantmoins qu'il le reçoit aux conſequences neceſſaires, ſans obligation, n'exclud point la lumiere de nature: & que tout cela mis enſemble avec la ſeule parole de Dieu, ne peut donner à ſa religion vne regle aſſeuree: Ce qu'il prouue par ce troiſieſme argument.

ARGVMENT.
 Si par la ſeule parole de Dieu ſoit en termes clairs, ſoit par conſequences neceſſaires tirees d'icelle avec la lumiere naturelle, les principaux articles de ceſta religion, & plus neceſſaires à ſalut ne ſe peuuent aſſeurer & eſtablir avec tout cela, la religion pretendue reformée n'a point de regle aſſeuree.

Or est il que par la seule parole de Dieu son en termes clairs, soit par consequences nécessaires tirees d'icelle, avec la lumiere naturelle, les principaux articles, & plus nécessaires à salut de de la Religion pretenduë reformee ne se peuuent afferer & establir.

Donc avec avec tout cela la religion pretendue reformee n'a point de regle assuree.

Du Moulin.

Du Moulin respond que le sieur de Racionis viole les loix de la dispute: car estant obligé d'argumenter comme luy mesme a posé la loy, il s'espand en longs discours. Dit en second lieu, qu'il ne met point les principes de la lumiere naturelle pour regle de foy, mais pour outils nécessaires pour manier toute sorte de cognoissance: Que mesme ledit Sieur se cõtredit, car ayât voulu que nous argumētassions par syllogismes il no^o oblige necessairemēt à vser de quelques façons de parler quine sont en l'écriture, laquelle n'a point de syllogismes formés. Quant à ce que ledit Sieur dit, qu'il peut reietter les consequences, parce qu'en les deduisant on vse de quelque syllogisme duquel on peut nier la forme, du Moulin respond, que celuy qui nieroit vn syllogisme bien formé, où la suite est nécessaire, & naturelle, pourroit voirement accrocher la dispute: Mais estant homme sçauant il parleroit contre son sentiment, & contre la verité de la chose, &

contre les seigles posees par luy mesme, par lesquelles il nous oblige à argumenter. Que le sieur de Raconis n'a pas mesme droit d'alleguer les paroles qu'il dit estre de du Moulin, comme du Moulin a droit d'alleguer la Messe & les Conciles, pource que du Moulin n'a iamais donne ses paroles pour regle infaillible, ny aucun particulier parmy nous, qui sommes suiects à faillir, & prests de recevoir instruction par la parole de Dieu. Mais que la Messe & les Conciles de l'Eglise Romaine sont tenus pour regle infaillible, & à tout homme est denoncè anatheme qui en reuoque rien en doute.

Là dessus du Moulin a rapporté les paroles du Cardinal Bellarmin au 3. liure de la Iustif. chap. 8. *Rien ne peut estre certain de certitude de foy, s'il n'est contenu immediatement en la parole de Dieu, ou ne se deduit par consequence cidente de la parole de Dieu. Car la foy n'est point, si elle n'est appuyee sur l'autorité de la parole de Dieu, & ny les heretiques ny les Catholiques ne doubrent point de cesti reigle.*

Quant à l'argument du Moulin nie simplement la deuxiesme proposition, laquelle il dit estre mal conuenable en la bouche de l'Eglise Romaine, en laquelle le peuple ne peut estre assure que la Religion soit vraye, ne voyant point l'Ecriture ny l'antiquité, l'une luy estant defendue, l'autre luy estant impossible de voir.

Monsieur de Raconis au premier point ne qu'il viole la dispute. Qu'il a promis de faire des arguments, quand il entrera en preue.

Et comme ledit Sieur de Raconis commençoit ceste response, l'heure de midy estant passee, la compagnie d'un commun consentement s'est separee, & a remis la conference a lundy matin, a huit heures: à condition que ceste proposition vuidee ou non, le Sieur du Moulin pourra au reciproque le lendemain obiecter sur tel article de l'Eglise Romaine qu'il luy plaira, & Monsieur de Raconis se defendre.

D V M O U L I N.

G. F. D' A B R A D E R A C O N I S.

Du Lundy huitiesme de Ianuier 1618.

Le Sieur de Raconis a repris le discours *Le lecteur*
 par luy commence', A dit en premier lieu, *remarque*
 qu'il ne viole point les loix de la dispute: *ra, Que le*
 Qu'il ne demandoit autre chose qu'à suiure *Sieur de*
 & ferrer son argument, Que ç'a esté le Sieur *Raconis*
 du Moulin, lequel sous pretexte de de- *est trois*
 mander l'explication d'une proposition, s'est *jours à se*
 espandu en des demandes hors du subiect, *preparer*
 auxquelles ledit de Raconis a voulu satisfai- *sur ceste*
 re pour son contentement, & ainsi que s'il *response.*
 y a de la faute, elle est de sa part, & non du

Sieur de Raconis.

Au 2. point où du Moulin dit qu'il ne met pas les principes de la lumière naturelle pour reigle de foy, mais pour outils necessaires à manier toute sorte de cognoissance, respond le Sieur de Raconis, que la question est de la reigle de la foy, & que c'est dequoy parle sa proposition, dont le Sieur du Moulin a voulu estre éclaircy, & mesme qu'il le recognoist à la fin de sa demande, quand il dit, *du Moulin demande donc si pour la decision des differents on peut employer ces reigles.* Le debat n'est pas si la lumière naturelle, est vn outil pour agir; Que la conference estant d'homme raisonnable, à homme raisonnable, & non de cheval à cheval, non plus qu'on n'oste pas l'humanité de ceux qui conferent, aussi ne veut on pas esteindre leur lumière naturelle, & que ceste demande est tout à fait hors de propos.

Adiouste en troisieme lieu, qu'il n'y a pas seulement ombre de contradiction en toute sa procedurè; Qu'ils sont conuenus d'agir par arguments, comme estant l'argument le moyen le plus propre pour esclarcir la verité, & non comme portant autorité ou reigle de foy, dont il s'agit icy, & qu'en ce sens il ne reçoit les consequences, c'est à dire pour leur donner autorité de foy ainsi que toutes choses s'accordent bien.

Et parce que contre cecyle Sieur du Moulin

lin produit l'authorité du Cardinal Bellarmin, quoy que non immédiatement, pour guider l'ordre, & ne confondre rien, le Sieur de Raconis respond qu'elle est inutilement employee, que c'est vne proposition negative; qui assure ce qui est hors de debat entre les vns & les autres Catholiques & pretendus reformés, sçauoir que rien n'est de la foy, s'il n'est ou immédiatement dans l'Escripture, où s'il ne s'en deduit par vne consequence euidente, pour de là prendre vn argument, *ad hominem*, contre la certitude pretenduë de foy des pretendus reformés, touchant leur iustification particuliere, mais qu'elle ne pose pas avec mesme assurance l'affirmatiue, que tout ce qui estoit immédiatement en l'Escripture, où se deduit d'icelle par consequence euidente, soit de la foy: le premier est assuré, le second controuersé.

Quant à ce qu'adiouste le Sieur du Moulin que celuy qui nieroit vn syllogisme bien formé, & dont la suite est necessaire & naturelle, parleroit contre son sentiment, le S. R. respond qu'il parleroit contre le sentiment d'un philosophe, mais non contre la foy d'un Chrestien: qu'il pecheroit contre la logique, mais non pas contre la religion qui se fect d'arguments selon la conuention pour moyen de conferer ensemble: mais non pour establir authorité de foy en la forme d'un argument.

Pource que le Sieur du Moulin dit que la chose n'est pas esgale que comme de Raconis employe ses escripts contre luy, aussi il se ferue des escripts du Sieur de Raconis contre luy mesme.

Respond le Sieur de Raconis que l'esgalité est en cela tres-bonne, que comme il se fert des escripts de du Moulin, pour agir *ad hominem*, contre luy, aussi ledit Sieur du Moulin se ferue des escripts de Raconis contre luy mesme, avec cest aduantage qu'il luy veut faire, c'est que le Sieur du Moulin les voulant recognoistre absolument, pour luy clairement il recognoist les siens, & est tout prest de les defendre.

Quant aux Conciles & Canons de la Melle, il n'est question de regarder le poids de leur autorité, que c'est vn poinct reserué à debattre.

Finalemēt pour venir au poinct principal, avec protestation qu'il ne s'est arresté au reste que par contraincte, pour suiure les digressions volótaires du Sieur du Moulin, il met en teste la proposition mineure de son dernier argument, qui luy a esté niee absolument, pour donner la preuue.

Mineure niee.

Or est-il que par la seule parole de Dieu, soit en termes clairs, ou par consequences nécessaires tirees d'icelle, avec la lumiere naturelle, les principaux articles, & plus nécessaires à salut de la Religion pretendue

reformee ne se peuuent asseurer, ni establir.

Preuve de ceste Proposition.

Les principaux articles, & plus necessaires à salut de la religion pretendue reformée sont, que le nouveau Testament est Canonique, qu'en Iesus-Christ sont deux natures en vne mesme personne, en la Trinité trois personnes en vne mesme nature in-dividüe, & plusieurs autres, qu'il est prest de produire apres la decision de ceux-cy.

Or est-il que tels articles ne se peuuent establir & asseurer par la seule parole de Dieu, soit en termes clairs, soit par consequences necessaires tirées d'icelle avec la lumiere naturelle.

Donc par la seule parole de Dieu, soit en termes clairs, soit par consequences necessaires tirées d'icelle avec la lumiere naturelle, les principaux articles, & plus necessaires à salut de la religion pretendue reformee, ne se peuuent asseurer & establir.

Du Moulin.

Du Moulin respond que le Sieur de Raconis feignant de cōbattre ce que du Moulin a dit, luy accorde ce qu'il demande: c'est à sçauoir que nous employons les principes de la lumiere naturelle, & les consequences necessaires, non pour estre articles de Foy, mais outils necessaires pour manier toute sorte de cognoissâce; dit que la proposition de Bellarmin qui est negatiue, emporte l'affirmation que du Moulin pose: Car Bellarmin disant que rien n'est receu pour doctrine de Foy, s'il n'est immediatement en la parole de Dieu, ou tiré par consequences necessaires,

presuppose qu'on peut tirer des consequences necessaires és matieres de Foy.

Que si du Moulin aymoit à broüiller, il obligeroit monsieur de Raconis à monstrier en autant de mots de la parole escrite ou nõ escrite, tout ce que le Sieur de Raconis vient de dicter. Dit qu'en ses escrits ne se trouuera point ce que le sieur de Raconis luy fait dire, à sçauoir que la chose n'est pas égale, que cõme le sieur de Raconis employe ses escrits contre luy, aussi qu'il employe les escrits du sieur de Raconis. Mais pour n'amuser l'auditeur, en choses qui sont contre l'attente de la compagnie, du Moulin vient à l'argument.

Response à l'argument.

Du Moulin respõd que le sieur de Raconis eust fort obligé la compagnie de choisir des points qui sont cõtrouerfes, entre nous: neãtmoins il respõd à la premiere proposition.

Premierement le sieur de Raconis suppose vne chose qui n'est point: à sçauoir que le nouueau testamēt est canonique; le testamēt de Dieu c'est l'alliãce de Dieu, & sa promesse en Iesus-Christ, laquelle ne fut jamais apelée canonique: ce mot est vn nõ adiectif, sous lequel doit estre entendu vn substãtif, à sçauoir liure ou escriture, & non point alliance.

Secondement, que tels ou tels escripts soient canoniques, n'est pas vn des poincts compris en la proposition de du Moulin, assauoir qu'en l'Escriture sainte se trouuent toutes les doctrines de la foy Chrestienne:

car que tels ou tels liures sont canoniques n'est pas vn poinct côté entre les doctrines, mais c'est vne désignatiō du lieu, ou de l'endroit, ou des escrits où se trouue la foy Chrestienne, & la doctrine de salut. Neantmoins quād il sera besoin, il est aisé de prouuer cela par l'Escriture mesme, à vne personne qui est d'accord que ces liures-là sont de l'Escriture saincte, comme le sieur de Racomis l'a accordé auparauant, & dont on ne deuroit point disputer entre les Chrestiens.

Quant au poinct s'il y a deux natures en vne personne en Iesus-Christ, cela se prouue clairement par l'Escriture.

Premierement, que Iesus-Christ soit homme, l'Apostre saint Paul le dit, 1. Thimot. c. 2. *Dieu est vnicque, & le moyeneur vnicque entre Dieu & les hommes; assauoir Iesus-Christ homme.* Quant à ce qu'il est Dieu, l'Apostre à Tite. 2. chap. Et aux Rom. 9. chap. l'appelle le grand Dieu & Sauueur, & Dieu benit sur toutes choses eternellement, & saint Thomas l'appelle mon Seigneur, & mon Dieu.

Quant à ce que ce ne sont pas deux personnes, mais vne, le mesme passage de saint Paul, disant que le moyeneur est vnicque 1. Thimot. 2. montre qu'il n'est qu'vn. Et est chose superflue d'amasser plusieurs passages de l'Escriture, pour môstrer qu'il n'y a qu'vn Iesus-Christ: s'il estoit autrement, l'Escriture ne diroit point que Dieu a respandü son sang, Actes 20. montrant que celuy mesme

qui a respendu son sang est Dieu.

Quant à ce qu'on demande la preuve par l'Escriture, qu'en la Trinité il y ait trois personnes en vnité d'essence, s'il s'agit du mot de Trinité, ie dis que le mot n'est pas vne doctrine. Or icy nous disputons des doctrines: & neantmoins il se trouue vn mot equiualent: Car comme quatre & vne quaternité sont vne mesme chose, aussi trois & Trinité sont mesme chose. Or S. Iean au chap: dernier de sa premiere epistre, dit qu'il, *y en a trois au Ciel, le Pere, la Parole, & le saint Esprit, & ces trois font vn.* Et l'Escriture sainte au lieu sus-allegué, dit qu'il n'y a qu'un Dieu, dont s'ensuit necessairemēt que le Pere estāt Dieu, le Fils estant Dieu, & le S. Esprit estant Dieu, ils sont vn mesme Dieu. Or estre vn mesme Dieu, c'est estre vne mesme essence.

Quant au mot de personne, l'Escriture sainte distingue clairement les personnes, disant que le Fils est l'image ou caractere de la personne du Pere. Au commencement de l'epistre aux Hebrieux.

Au reste du Moulin prie monsieur de Raconis de declarer s'il estime les preuves tirées de l'Escriture par le premier Concile d'Ephese contre Nestorius, faisant deux personnes en Iesus Christ, Ou les preuves tirées par le Concile de Calcedoine contre Eutyché confondant les natures: Item celles que les Docteurs de l'Eglise Romaine produisent en mesme façon que nous sur ce

subject, sont claires & tirees par consequence necessaire.

De Raconis.

De Raconis respond que le sieur du Moulin se contentant de ce qu'il met en son escrit, sçauoir que les principes de la lumiere naturelle, & les consequences necessaires sont outils pour manier toute sorte de cognoissance rend ses precedentes responses inutiles: veu qu'à la premiere demande d'explication il luy auoit accordé tout cela, voire plus, l'auoit receu aux consequences necessaires: Et qu'il est bien aise, qu'il tire moins du Cardinal Bellarmin qu'il ne luy auoit accordé. Car le Cardinal Bellarmin, ne luy donnant le pouuoir que de tirer des consequences necessaires, sans qu'il les peust employer pour establir chose de foy, il a moins receu dudit Bellarmin, que ledit de Raconis ne luy auoit accordé, le receuant aux consequences necessaires. Que quand il prédroit enuie au sieur du Moulin de broüiller, qu'il en seroit bien empesché par ledit sieur de Raconis, qui sçaura bien esclaircir les tenebres: & se tenir au iour, qu'il ne sera point obligé de prouuer par la parole escrite, ou non escrite, sinon ce qui est de foy, & non ce qui se passe en son discours.

En ce que le sieur du Moulin se plaint que le sieur de Raconis luy fait dire ce qu'il n'a dit, de Raconis respond qu'il a expliqué la response du sieur du Moulin, comme estant faite iudicieusement, & au sujet duquel il s'a-

gissoit : Qu'il n'auoit point comparé l'authorité du sieur du Moulin avec l'authorité des Conciles, & du Canon de la Messe, mais auoit estably l'esgalité aux escrits de tous les deux, qui pouuoient estre mutuellemēt employées. Ainsi s'il a mal pris sa response, & qu'il se plaigne de cela, de Raconis dit que la sienne precedente n'estoit donc point à propos, & pour ce à sujet de s'en plaindre. Au fort la faute est plus grande à celuy qui en faillant donne sujet de faillir, qu'à celuy qui suit la faute.

Quant à l'argument, de Raconis respond qu'il ne doit prendre loy du sieur du Moulin, par où il le doit attaquer, & que le chois en est à luy. Dit donc premieremēt qu'il n'a point entendu descendre de la Theologie à la Grammaire : Que par le nouueau testament il a entēdu & entend les liures du nouueau testament qu'il nomme Canoniques, c'est à dire saincts & inspirez de Dieu, comme par l'Odyssée s'entendent les liures contenant les traueux d'Vlysses.

Adjouste que sa proposition est vniuerselle de tous les liures du nouueau testamēt, & non de tels & tels, qu'il doit prouuer estre canoniques : non pas à vn qui en demeure d'accord: entant qu'il en demeure d'accord: mais à vn qui les contesteroit, autrement cet article estant necessaire à salut, tous les articles necessaires à salut ne seroient pas prouuez par l'Escriture en termes clairs, ce qui est son gain de cause.

Quand

Quant à ce qu'il dit que tels liures soient canoniques, n'est pas vn des points compris en sa proposition, le sieur de Raconis dit que la proposition qui se traicte, où est parlé que le nouveau testament est canonique est sienne, & non aucune du Sieur du M. qui ne l'est pas attaqué luy-mesme, Que dedans sa proposition il y a articles & non doctrine, & que celuy-là en est vn, & des plus necessaires à salut.

Pour les preuues du second point, il aduouë que celles qui preuent l'humanité & diuinité de Iesus-Christ sont suffisantes: mais il demande vn texte de l'escriture, ou vne consequence necessaire tirée d'icelle, qui mette l'vnité de personne: que le texte de S. Paul ne le dit point, qu'il ny a point que cet vnique mediateur Iesus-Christ ne soit point composé de deux personnes, comme il est composé de deux natures. Que celuy des Actes ne faict pas plus; qu'il monstre que celuy qui a respandu son sang est Dieu, mais ne dit pas si ce Dieu a aussi bien pris la personne humaine que la nature: coniuere ledit sieur du Moulin, de luy monstre cela precisément, ou par l'escriture, ou par consequences necessaires tirées d'icelle: ou d'aduouer que cet article plus assure & plus necessaire à salut ne se peut assurer & establie par la seule parole de Dieu en termes clairs ou consequences necessaires, qui est pareillement le gain de cause.

Quant est aussi des preuues du dernier chef il reçoit sans debat pour suffisantes celles qui prouuent la Trinité des personnes : mais dit que celles qui sont apportées pour l'vnité de l'essence ne la peuuent establir ny en termes clairs, ny par consequence necessaire : que le tesmoignage de Sainct Iean allegué ne le prouue pas, qu'il est question de l'vnité d'vne nature indiuidüe : cela n'est point porté. Plustost qu'a la lettre le contraire pourroit sembler se colliger des paroles suyuantés : par-ce que Sainct Iean en la mesme façon, dit que les trois qui donnēt tesmoignage en la terre, l'esprit, l'eau, & le sang sont vn, qu' auparauant il a dict que les trois qui rendent tesmoignage dans le Ciel, le Pere, le Verbe, & le Sainct Esprit sont vn. On ne scauroit pas dire que l'esprit, l'eau & le sang sont vn en vnité de nature indiuidüe : Calvin mesme sur ce lieu explicque l'vnité de consentement & condamne ceux qui entendent l'vnité de nature : comme les conseillers d'vn mesme aduis sont vn, scauoir en leur aduis, voila les mots de Calvin. *Or quand il dit que ces trois sont vn, cela ne se rapporte point a l'essence, mais plustost au consentement, comme sil disoit que le Pere, & sa perolle eternelle, & l'esprit comme par vne harmonie accordante approuent & donnent tesmoignage de Christ.*

Dit dauantage que quand il y auroit vnité de nature la preuue ne seroit pas suffisante, parce que l'vnité peut-estre generique, spe-

cifique, & numerique: generique, comme tous les animaux sont vn:specifique, comme tous les hommes sont vn:numerique, comme tout homme particulier est vn.

Partant (comme dessus) somme ledit sieur D. M. de produire vn texte de l'escriture, ou donner vne consequence necessaire tirée d'icelle qui dize l'vnité numerique de la diuinité: ou bien de consentir que ce poinct le plus assure, & plus necessaire à salut, ne se peut establir par la seule parolle de Dieu, soit en termes clairs; soit par consequences necessaires tirées d'icelle.

Quant a ce que D. M. demande, si Monsieur de R. estime les preuues des Conciles tirées de l'escriture sur ce sujet bones, respōd qu'il les estime tres-assurées, ioignant l'authorité des Conciles, qu'il sçait ne point failir, & auoir l'assistance du Sainct Esprit pour voir dans l'escriture ce qui n'est pas clairement contenu dans l'escriture, mais que de la aussi il collige que la seule parole de Dieu n'est pas la regle de la foy.

Et comme le sieur D. M. vouloit respondre, la compagnie s'estant leuée à cause de l'heure de midy passée, la conference a esté remise à demain matin, auquel iour ledit sieur du Moulin opposera sur telle question qu'il luy plaira: toutefois luy fut permis de respondre sur le champ de bouche, à condition de remettre à dicter à vn autre iour.

DE RACONIS. DV MOULIN.

D ij

Responſe de du Moulin.

Après donc que le ſieur de Raconis eut acheué de dire ce que deſſus, du Moulin prèd la parole, & reſpond.

Pour ne m'arreſter à choſes non neceſſaires, ie viens à voſtre argument. Et puis que vous me declarez que par le nouveau Teſtament vous n'entendez pas l'alliance de Dieu en Ieſus Chriſt, mais les liures du nouveau Teſtament, ie reçois voſtre explication, le vous auois arreſté là deſſus, penſant que ſous ceſte façon de parler, vous cachaffiez quelque artifice.

Pour donc vous monſtrer par quelle certitude nous croyõs que les liures du nouveau Teſtament ſont Canoniques, c'eſt à dire regles de noſtre foy, & comme cela ſe prouue par l'Eſcriture: Ie dis que par deux moyens quelqu'vn peut croire & receuoir ces liures pour Canoniques. Le premier eſt le teſmoignage de l'Egliſe de ſon pays, ſoit qu'elle ſoit pure, ſoit qu'elle ſoit impure & errante en la foy. Le ſecond eſt la vertu & efficace de l'Eſcriture, meſme, quand vne fois on la gouſtée, & qu'on a compris la doctrine de ſalut y contenue.

Le premier teſmoignage eſt rendu par des hommes, & eſt vne aide profitable, & vn teſmoignage probable: Car nul ne peut ſçauoir avec certaine cognoiſſance, que le teſmoignage que l'Egliſe de ſon pays, rend à l'eſcriture eſt veritable, ſ'il ne ſçait que ceſte

Eglise est Orthodoze & bien sentante en la foy : Ce qu'on ne peut sçauoir asseurement qu'apres auoir cogneu la regle de la vraye foy, qui est la parole de Dieu.

Mais le deuxiesme moyen de recognoistre que ces liures sont diuins & Canoniques, est certain & indubitable, comme procedant de la vertu mesme de l'Escriture sainte & de son efficace. Tout ainsi que si on dit à vn enfant voila vn bon Philosophe, il croit ce tesmoignage sans le sçauoir : Mais depuis que luy-mesme a suffisamment estudié en Philosophie, il sçait qu'vn tel est bon Philosophe, par certitude de cognoissance. Ainsi, celuy qui ne sçait que ces liures sont Canoniques, sinon pource que l'Eglise de son pays le testifie, ne peut en auoir qu'vne legere impressiõ, sans science. Mais depuis que par ceste parole Dieu a operé en son cœur & l'a instruit, alors il reçoit cela avec vne pleine certitude, qui resulte de la cognoissance qu'il a de l'Escriture mesme, laquelle se fait assez sentir elle mesme sans tesmoignage des hommes : Il n'est besoin de preuue pour monstrier que c'est là le Soleil. D'vne chose recognoissable par sa propre clarté, on ne demande point comment la sçaez-vous ?

Or ce tesmoignage qu'vne Eglise ou vraye ou fausse rend à ces liures sacrez & Canoniques, est voirement necessaire, mais il n'adiouste aucune doctrine à l'escriture, ains plustost est vne declaration qu'il n'y faut rien

adiouster. Et tout ainsi que dire que ces liures sont d'Hippocrate & de Galien n'est pas vn precepte de medecine, ains vne designation du lieu où se trouuent les preceptes de medecine: Ainsi le tesmoignage que l'Eglise rend à ces liures d'estre Canoniques, n'est pas vne des doctrines de la religion Chrestienne, mais vne designation ou indication du lieu, & des liures où se trouuent les doctrines de la religion Chrestienne: lequel tesmoignage neantmoins est necessaire. Car comme la riuere de Seine est suffisante pour abreuuer Paris, & neantmoins il faut qu'elle y-vienne par vn canal: ainsi l'Escriture est suffisante pour nous instruire à salut, & neantmoins il est necessaire qu'elle vienne en nos mains par quelque succession, & par le tesmoignage de quelques hommes, soit Orthodoxes, soit heretiques.

Par cela, Monsieur, vous pouuez comprendre quel est le sens de ma proposition, que vous auez tirée de mon liure de la Iuste Providence de Dieu, où ie dis que ce qu'il y a declairés saintes Escritures, & n'ayant besoin d'interpretation est suffisant à salut. C'est que par là i'entens seulement exclurre les enseignemens qui adioustent quelques choses à l'Escriture, comme necessaires à salut. Or ceste maxime que ces liures sont Canoniques, c'est à dire reigle de nostre foy, n'adiouste rien à l'Escriture, ains est seulement vn tesmoignage rendu à la perfection de l'Escriture & vne submission à son autorité.

Ce point vuidé ie viens au deuxiesme qui est des deux natures de Ies. Christ en vnité de personne. Vous confessez qu'il est clair en l'Escriture que Iesus Christ nostre Seigneur est Dieu & homme, & que le Moyenneur est vniue. Mais vous niez que les textes que i'ay produits prouent clairement que Dieu n'a pas pris la personne humaine aussi bien que la nature.

Le respons qu'on peut estre sauué sans scauoir cela, Il suffit de scauoir qu'il n'y a qu'un Iesus Christ Dieu & homme. Bien est vray qu'il est necessaire de n'auoir point d'opiniõ erronée là dessus. Mais autre est l'ignorance de negation, qui est simple & infantine, autre est l'ignorance de mauuaise disposition, qui soustient vne opinion peruerse par apparence de raison. Celle-cy est condamnable, mais celle là est toleree en vn Chrestien es questions qui passent sa capacité.

Ie viens à la troisieme & derniere question, où vous niez que l'Escriture sainte prouue clairement l'vnité d'essence en Dieu. Et dites que quand il est dit en S. Iean, que le Pere, la Parole & le S. Esprit sont vn, cela par le iugement mesme de Calvin, s'entend de l'union & consentement de volonté, & non (comme vous dites) d'une nature indiuiduë. Ce qui vous semble estre confirmé par ce qui est adiousté, Que l'Esprit, l'Eau & le sang sont vn: car ces choses ne sont point vn, en vne nature indiuiduë. Adioustez, que

quand il y auroit vnité de nature, la preuue ne seroit pas suffisante. parce que l'vnité peut estre generique, ou spécifique, ou numerique.

A quoy ie respons, que ie ne pensois pas qu'il fust besoin de vous prouuer par l'Escriture qu'il n'y a qu'un Dieu en nombre, l'Escriture est pleine de passages qui le disent. Lisez le 4. du Deuteronomie, vers. 35. & le 32 chap. vers. 39. Et Esaye 45. vers. 5. Mais ie me contenteray d'un seul passage de l'Apostre aux Ephesiens, chap. 4. vers. 5. Il y a un Seigneur, vne Foy, vn Baptisme, vn Dieu & Pere de tous. Il y a au Grec, le Seigneur est vn, la Foy est vne, le Baptisme est vn, Dieu est vn, où tous recognoissent que le Seigneur Iesus est vn en nombre, que la Foy & le Baptisme sont vns en nombre, donc Dieu aussi vn en nombre: car ces choses se suiuent.

Quant au passage de S. Iean, qui dit qu'il y en a trois au Ciel, le Pere, la Parole & le S. Esprit, & ces trois sont vn; ce qui a trompé Calvin, a esté de n'auoir pas remarqué qu'au texte Grec il n'y a pas que l'Esprit, l'eau & le sang sont vn, mais SE RAPPORTENT A VN. c'est à dire, tendant à vn mesme effect: ce que s'il eust considéré, il n'eut pas traduit que *l'Esprit, l'eau & le feu sont vn.* Qui est aussi la faute en laquelle vous tombez vous mesmes, traduisant de mesme. Certes ce n'est pas sans cause que l'Apostre
parlant

parlant des personnes de la Trinité dit que ces trois sont vn. Mais quand il vient a parler de l'Esprit, de l'eau, & du sang, il change de langage, & dit que ces trois se rapportent a vn.

Je passe ce que vous dites de l'vnité d'vne nature indiuiduë en Dieu, en quoy vous vous estes mespris, les personnes sont indiuidies & non la nature.

Reste à satisfaire à ce que vous dites, que les preuves tirées de l'Escriture sainte produites és conciles sur ce subiet, sôt bones & assurees : mais que ce sont les Conciles qui les ont eclaircies, parce qu'elles ne sôt pas clairement dās l'Escriture, dōt vo' inferez que la seule parole de Dieu n'est pas la reigle de la Foy.

Je respons que tout cela tend à mettre l'auctorité de l'Eglise & des Conciles en la place de l'escriture sainte, ce qui meine necessairement le peuple ou à l'Atheisme ou à l'aueuglement, & luy oste tout moyen de rien sçauoir en la religion. Car quand à l'Escriture celuy est vn liure clos, & difficile. Quād à l'ancienneté de l'Eglise & aux Cōciles, ce sont liures Grecs, ou il ne peut rien voir. Et y ayant plusieurs Eglises discordantes comme la Grecque, la Romaine, l'Affricaine &c. tout moyē est ostē au peuple de cognoistre quelle est celle qui enseigne la verité.

Que si le peuple pouuoit entendre les Conciles, il y verroit l'Eglise Romaine condamnée en plusieurs chefs, & les Cōciles anciens cōtraires aux nouveaux. Il s'offenseroit de voir au second Concile de Nice l'adoration des images estre commandée, sur peine d'Anatheme, & y estre declaré que les Anges sont corporels, & que les Images valent autant que l'Euangile. Il seroit offensé de voir du temps de Formosus Pape, & plusieurs années apres sa mort

plusieurs Conciles ou les Papes ont presidé se cōtra-
riants, & dōt l'vn casse les actes de l'autre, & cestuy-
cy peu apres cassé & annulé par vn autre Cōc. Il s'of-
féseroit de voir au Cōc. Rom. tenu sous Greg. 7. ces
belles cōstitutiōs: *Que le Pape seul peut porter les armoi-
ries de l'Empire. Que tō^s les Princes doiuent baiser les pieds
du Pape seul. Qu'il n'y a qu'un nom au monde asçavoir ce-
luy du Pape. Que nul chapitre, ny nul liure ne doit estre
Canonique sans son auctoritē.* Il seroit offensé du Con-
cile de Latrà sous Innocēt 3. ou puissance est dōnée
au Pape de deposseder les Princes de leurs Estats.
Il seroit offensé du Concile de Florence qui declare
que le Pape peut adiouter au Symbole. Et du Con-
cile de Constance qui dit qu'on n'est pas tenu de gar-
der la foy aux Heretiques: qui oste le calice au peu-
ple, & ou est parlé de Jeàn 23. qui nioit qu'il y ait ny
Paradis n'y Enfer. Et du dernier Concile de Latran
ou le Pape Leon x. est appellée *la Maiesté diuine, ado-
rable par tous les peuples, & tres-semblable à Dieu, le
Lion de Iuda, la racine de Dauid, le Sauueur de l'Eglise,
celuy qui a toute puissance au ciel & en la terre.*

D'abondant en ce temps auquel par l'Eglise on
entend seulement la Romaine, quelle apparen-
ce qu'elle soit Iuge & partie? & que l'Eglise soit
Iuge en la question si l'Eglise doit estre Iuge? Item
en la question si l'Eglise peut errer? & que les de-
cretales des Papes soient contées entre les Escritu-
res Canoniques, comme dit le Canon *in canonicis* en
la dixneufiesme distinction, esquelles se trouueront
mille doctrine peruerses, notamment en vne de-
cretale du Pape qu'on fait le plus proche apres S.
Pierre, en laquelle est dit que les femmes doiuent
estre communes; en la Cause 12. question 1. au cha-
pitre *dilectissimis*.

RECIT DE CE QUI EST ARRIVE
EN SVITE.

Ces propos furent ouys avec assez d'impatience, & c'estoit a moy d'en dicter le sommaire. Mais la compagnie se leua disant que l'heure estoit passée. Fut conuenu qu'on se rassembleroit le lendemain à huit heures, auquel iour c'estoit a moy d'opposer, & cōbatre tels points de la religion Romaine que ieusse voulu choisir. Et comme quelques assistans disoient que du Moulin auroit de la peine a soustenir son dire, me retournant vers Monsieur le President Bailly, ie le priay de faire enuers Monsieur le Lieutenant Ciuil que lieu nous fust baillé pour soustenir contre qui que ce soit a porte ouuerte la Iustice de nostre cause.

Pendant que la compagnie sortoit petit à petit deux personnes de la suite de Monsieur le President & du Sieur de Raconis accosterēt quelques personnes de la Religion entre lesquels estoit le sieur Naudin Apoticaire demeurant en la rue de Seine apres de mon logis, & leur dirent que Monsieur le President trouuoit ceste chambre incommode, & qu'il voudroit bien que la cōference se tint ailleurs afin d'euiter la multitude. Le sieur Naudin offre sa salle basse qui est fort belle & commode. La dessus ces Messieurs vont parler a Monsieur le President, puis retournent & disent au sieur Naudin que Mōdict sieur le President auoit cela agreable. Et de fait ces deux mesmes personnes viennent le lendemain se rendre au logis du sieur Naudin, ou setrouuēt aussi plusieurs personnes d'une & d'autre religio. L'heu-

re assignée estoit huit heures. La compagnie attendit enuitō vne heure & demie, sans que le sieur de Raconis vint, en fin Monsieur le President & Monsieur de Raconis viennent & passent par deuant la porte ou nous estions assemblez. Ces deux personnes qui les attendoient a la porte leur dirent Messieurs c'est ceans, la cōpagnie vous attend. Mais ils ne respondent rien & passent outre, s'en vont droit a mon logis, ou ils estoient assurez de ne me point trouuer. Ce que voyāt le sieur Naudin court apres eux entre en mon logis, les prie de retourner, ou s'il ne leur plaisoit de changer de lieu qu'il iroit me querir que ie n'estois qu'a trois pas.

Mais eux apres auoir consulté ensemble, respondirent, puis que le sieur du Moulin n'est pas icy nous n'en allōs a la Messe en l'attendāt. Et craignās que ie ne les rencontraisse en chemin, preinent le chemin des champs, tirans vers les Augustins reformez qui sōt au pré aux cleres, par vn chemin lōg & fangeux. Est a noter que le sieur de Raconis fuyoit le premier laissant monsieur le President derriere. Quoy voyant vn ieune estudiant qui est de mes domestiques court apres le sieur de Raconis, l'attrappe pres du logis de monsieur des Yuteaux: le prie de retourner disant que du Moulin venoit, & qu'on l'estoit allé querir. Mais luy se hastant dit, Il ne s'est point trouué au logis, nous nous en allons a la Messe. Estant venu a la porte des Augustins ou se chantoit Messe, au lieu d'entrer comme il auoit dit il passe outre, se coule par le derriere du logis de la Roynne Marguerite, tire vers la porte de Nelle & ainsi eschappe.

Cela venu a ma cognoissance ie prie monsieur Pitard homme ardēt a la deffence de la Religion Ro-

maine, de les suiure & tacher a les ramener & leur dire que puis que ce lieu leur deplaisoit, lequel neant-moins nous auions prins pour les gratifier, nous retournerions au lieu accoustumé. Ledit sieur part avec promptitude, va droit aux Augustins pensant qu'ils y ouyffent Messe, trouue qu'ils auoient passé outre, court, les atteint les prie, exhorte, coniuere de retourner, mais il n'y eust moyen. Monsieur le President luy dit qu'ils auoient vn soupçon duquel ils vouloient estre esclaircis au parauant, Ce soupçon est (comme nous auons appris depuis) qu'il y auoit vingt hommes armez cachez en la caue du sieur Naudin. Le sieur Pitard donc retourne, fait son rapport a la compagnie en se plaignant d'eux, & disant franchement qu'il les condamnoit fort, Ne voulut pour lors dire quel estoit ce soupçon. Qui fut cause qu'on le prie de retourner, & prendre avec soy Mr. Tardif Aduocad en Parlemēt afin de prier ces Mrs. de declarer quel est ce soupçon, afin qu'on y remedie, & les sōmer de rechef de retourner & continuer la conference. Ils entrent donc chez Monsieur le president Bailly ou estoit le Sr. de Raconis, veulent executer leur charge ensemble, mais Monsieur Tardif ne peut en approcher, on le fit tenir en la sale basse, & fit on monter le sieur Pitard seul, lequel retourna rapportant a la compagnie la mēme responce qu'au parauant.

Lors ie priay la compagnie d'auiser a ce qui estoit expedient & dis *Messieurs vous voyez celuy qui fuit, estes vous d'avis de tacher a renouer la conference?* Tous respondent d'une voix, *Ouy*, Lors ie leur dis, *depurez donc quatre personnos notables vers ces Messieurs, deux d'une religion & deux de l'autre, pour les*

sommer de rechef de continuer la conference, & leur dire qu'il n'y auroit point de difficulté sur le lieu, & pource que la matinée estoit passée les prier qu'il leur plaise rentrer en lice demain à huit heures selon l'ordre encômencé, & quant a ce soupçon, que quād il leur plairoit s'en esclaircir, on leur satisferoit en sorte qu'ils auroient suiet de se contenter: furent nommez d'entre ceux de la Religion Monsieur le Marquis de la Case & Monsieur Fournel Cōseiller en la Chambre de Nerac. D'entre ceux de la Religion Romaine, Monsieur le Baron de Boulangres, & Monsieur Pitard, ils partent donc vont trouver ces Messieurs, les somment pressent & coniurent de ne rompre point ainsi, & de rentrer en lice le lendemain. Mais il n'y eust moyen de les esmouuoir. Cela venu à la cognoissance de la compagnie qui attendoit tousiours, elle iugea bien qu'en vain elle attendroit dauantag.

Lors i'estimay estre de mon deuoir de les aller trouuer moy mesme, me transporte le mesme iour avec les sieurs Tardif & de Plais Aduocats en la Cour par deux fois au logis de Monsieur le President, on me dit qu'il n'y auoit personne en la maison. Le lendemain i'y retourne avec les mesmes Sieurs Tardif & de Plais, on nous dit que Monsieur le President y estoit, On nous fit monter en fa chambre. Il nous reçoit avec beaucoup d'accueil. Je le suppliy tres-humblement de n'auoir point mauuaise opinion de moy, que quand ie serois sans crainte de Dieu, toutes-fois sa qualité & son merite m'obligeroient à luy porter toute sorte de respect, que ie venois expres pour luy satisfaire. Mais il ne voulut iamais s'esclaircir ny me dire quel estoit ce soupçon: dōt ie fus marry, croyant n'auoir fait cho-

se que i le peult offenser. Neantmoins n'osant le pres-
fer d'auantage, ie le priay de ramener le sieur de
Raconis en lice, & de n'estre poit cause de la ruptu-
re. Que nous conuiendrions aisement du lieu. Que
ferois rōpre au iour que cest à moy dattaquer; & que
i'ay de l'aduantage & de mauuaise grace. Que nous
trouuerions vn logis pres de luy pour le soulager. Sa
response fut qu'il demandoit quelques iours pour
s'esclaircir de ce soupçon, & qu'au reste il en com-
muniqeroit avec Monsieur de Raconis. En me le-
uant ie luy dis, Monsieur, vous auez la multitude,
les Imprimeurs, les cris par la ville de vostre costé,
si Monsieur de Raconis se met à publier chose con-
tre la verité, i'ay vne plume pour me deffendre, &
dires choses veritable qui ne luy feront point à hon-
neur. S'il se contient en modestie ie suis content de
l'espargner. Monsieur le President me respondit
que Monsieur de Raconis, ne feroit rien Imprimer
& qu'il m'en assureoit.

Ainsi nous descendismes & aprismes des serui-
teurs que nous auions laissé en la court que le sieur de
Raconis estoit entré peu apres nous, & estoit encor
en la maison en vne autre chambre, ce qui nous fist
cognoistre qu'il craignoit de nous aborder.

Le gentil-homme pour l'instruction duquel s'e-
stoit faite la conference irrité s'en va trouuer Mon-
sieur le President & Monsieur de Raconis, les pres-
se & importune iusques à leur dire que ie me trou-
uerois chez Monsieur le President Bailly pour con-
tinuer la conference. Mais iamais ledit Sieur de Ra-
conis ny à voulu mordre. Car aussi quelle apparen-
ce d'entrer en vn combat auquel iamais personne de
sa Religion n'a osé entrer, me laissant prendre la

Religion Romaine par ou ie voudrois. Car les Docteurs de l'Eglise Romaine iamais ne veulent conferer que sur ce qu'ils trouuent à redire en nostre Religion. Mais iamais ne veulent s'obliger à defendre leur Religion. Et c'est l'auantage que le Sieur de Raconis à eu en mattaquât sur tel point de ma Religion qu'il à voulu. Et puis rompant quand mon tour est venu dattaquer la sienne.

Peu de iours après ie rencontray Monsieur le President Bailli en la ruë du Colombier avec Monsieur le Baron d'Anio, auquel ie fis les mesmes sommations iusques à m'offrir à aller a son logis. Mais il me dit que sa maison estoit incommode & qu'aussi bien il auoit appris du sieur de Raconis que i'estois d'accord du lieu, & que ce deuoit estre au college de Navarre ou est logé ledit sieur, & que le gentilhomme susdit luy auoit porté ceste parole de ma part. Je fus fort esbahi de ceste inuention, laquelle passe toutes les autres en dexterité. Qui croira que ie sois si perclus de sens que de m'offrir a aller disputer en vn College parmy de petits escolliers avec rusee & avec peril: Je me suis depuis enquis du dict Gentilhomme si iamais il a porté ceste parole, lequel iure ny auoir iamais pensé, & est extrememēt irrité de voir telles procedures, & tant de mauuaise foy & de fuitte honteuse en vn homme qui sembloit au parauant nous deuoir tous confondre. Falloit il me venir attaquer chez moy pour me prouuer que le Dieu que nous seruons est le Diable pour s'aquiter si mal? Dieu luy face misericorde, & luy face cognoistre que la verité ne se doit deffendre par menonge. Je le voudrois seruir, & ne suis pas marry qu'en son ieune age tafche d'acquérir la reputation: Mais il faut y proceder en bonne conscience.

